

**«КОРХОНАНИНГ БИЗНЕС - РЕЖАСИ» мавзусидаги**

**МАЪРУЗА**

Маърузачи:

Ғ.Дусмуратов

**Mavzu:**  
**IV -мавзу. КОРХОННИНГ БИЗНЕС - РЕЖАСИ**

- Режа
- 4.1. Бизнес-режанинг моҳияти ва вазифалари
- 4.2. Бизнес-режани тайёрлаш босқичлари
- 4.3. Бизнес-режа тузилмаси

- **4.1. Бизнес-режанинг моҳияти ва вазифалари**
- 
- Иқтисодиётнинг бозор муносабатларига ўтиши билан корхоналарда ишлаб чиқилувчи олдинги техника-саноат-молия режалари, қурилиш-молия режалари, транспорт-молия режалари тармоқ хусусиятларидан келиб чиқиб ўз ўрнини бизнес-режаларга бўшатиб берди. Бизнес-режада бизнес фалсафаси, корхонанинг жорий ва истиқболдаги стратегияси акс эттирилади.
- Кўпчилик, айниқса, амалиётчилар ушбу хужжатни тайёрлашнинг нафақат мухим, балки жуда мураккаб эканлигидан ҳам хабардорлар. «Бир лаҳзада тайёрланувчи бизнес-режа» китоби муаллифлари Густав Берл ва Пол Киршнернинг «бизнес-режага эга бўлиб, сиз профессионалга айланасиз, ўз бизнесингизни ривожлантиришингиз мумкин бўлади» деб айтганлиги бежиз эмас, албатта.

- Бизнес-режа қуида келтирилган учта асосий функцияларни бажаришга боғлиқ деган фикр ҳам мавжуд:
  - бизнес юритиш концепциясини ишлаб чиқиш;
  - корхона фаолиятининг амалдаги натижаларини баҳолаш;
  - пул маблағларини жалб қилиш зарурлигини асослаб бериш.
- Бизнес-режа **биринчидан**, корхонанинг барча бўлим ва хизматлари мажбуриятлари ва жавобгарлигини аниқлашга имкон беради, **иккинчидан**, уларни корхона истиқболи билан шуғулланиш ҳамда корхона мақсадларини ва уларга эришиш йўлларини аниқлашга мажбур қилади, **учинчидан**, корхона фаолиятининг муҳим йўналишлари бўйича кўрсаткичларни белгилаб беради, **тўртинчидан** эса, корхонанинг бозордаги кутилмаган ўзгаришларга янада мослашувчан ва тайёр қилиб қўяди.

- **4.2. Бизнес-режани тайёрлаш босқичлари**
- 
- Мавжуд илмий ва услубий адабиётлар бизнес-режани ишлаб чиқиш учун ягона түғри йўл йўқлигига алоҳида эътибор қаратади. Бизнес-режанинг таркиби, тузилмаси, кўрсаткичлари ва бошқа жиҳатлари одатда корхонанинг ҳажми (қуввати), йўналиши, иқтисодий ва молиявий ҳолати, шунингдек, гап ўз ишини энди бошлаётган тадбиркор ёки фаолият юритаётган корхона ҳақида бораётганлигига боғлиқ бўлади. Агар гап барча ташвишлар ўз ишини бошлаш ва бунинг учун зарур бўлган бошланғич капитални, жумладан, банк кердитлари ҳисобига шакллантириш билан боғлиқ бўлган тадбиркорлик ҳақида борса, бизнес-режанинг мазмуни ва уни тайёрлаш босқичлари маълум бир (умумий) кўринишга эга бўлиши, янгиликлар киритиш ёки банкротлик ёқасида турган корхона ҳақида борадиган бўлса бошқа кўринишга эга бўлади.

- Хўжалик амалиётининг далолат беришича, умуман режалаштириш, ва хусусан бизнесни режалаштириш икки босқичда амалга оширилади. **Биринчи босқичда** бизнес-режанинг лойиҳа варианти ишлаб чиқилиб, унда ўтган йилда эришилган натижалар таҳлили ва келгуси йиллар учун ўз имкониятларини баҳолаш ҳисобига дастлабки ҳисоб-китоблар амалга оширилади. Бизнес-режа барча ҳисоб-китобларда белгиланган технологик жараёнларга, ички заҳиралардан тўлиқ фойдаланишга асосланиши ҳамда зарур ҳолларда ташкилий ва техник-иқтисодий тадбирлар билан мустаҳкамланиши лозим.
- **Иккинчи босқич** бу бизнес-режани якуний ишлаб чиқиш ва уни корхонанинг расмий ҳужжати сифатида тасдиқлашдир. Айнан шу сифатда бизнес-режа ҳуқуқий кучга эга бўлиб, турли идора ва муассасаларга, хусусан, банклардан молиявий ресурслар олиш учун тақдим этилиши мумкин.

- **Корхона этикаси** (ёки ўзаро алоқаларнинг маънавий жихатлари) бизнесменнинг вижданни ёрдамида тадбиркорлик фаолияти жараёнида фирма ходимлари хатти-ҳаракатларига (хулқига) бўлган энг юқори талабларга амал қилишга имкон яратади. Корхонанинг бозордаги ҳамкорларига нисбатан амал қилиши лозим бўлган маънавий қадриятлари қаторига қуидагиларни киритиш мумкин: алдашдан воз кечиш, ҳалоллик, ҳамкорликдаги ишда ишонч, инновацион ғоялар соҳибининг тадбиркорлик манфатига ҳурмат.
- Корхонани фаолияти давомида стратегик мақсадларни амалга ошириш билан бир вақтда кўплаб тактик ва тезкор мақсадларни ҳам ҳал этади. Соф иқтисодий мақсадлар билан ижтимоий, техникавий ва ташкилий вазифалар чамбарчас боғлиқдир. Мақсадларни тузилмаларга ажратиш турли хил жихатлар бўйича амалга ошириш мумкин (4.1-жадвал).

# Корхона мақсадларининг тахминий таснифи

№	Таснифлаш белгилари	Мақсадлар гурӯҳлари	
1	Мазмуни (предмети)	Иқтисодий Ташкилий Сиёсий Ишлаб чиқариш	Ижтимоий Технологик Илмий Эстетик Психологик
2	Ўлчами	Максимум Кўп эмас	Минимум Кам эмас
3	Режалаштириш миқёслари	Узоқ муддатли (стратегик) Ўрта муддатли (тактик)	Қисқа муддатли (тезкор)
4	Харакатлар соҳаси	Глобал Регионал Олий Оралиқ	Миллий Локал (маҳаллий) Йўлдош(қўшимча) Қуий
5	Иерархия даражаси	Корхона	Тузилмавий бўлинма
6	Ўзаро муносабатлар	Комплементар Индеферент	Рақобатли
7	Ўлчамлилик	Миқдорий	Сифат жихатдан (ўлчовсиз)
8	Йўналтирилганлилик	Тижорат	Нотижорат (ижтимоий)
9	Мухит	Ички	Ташқи
10	Субъект	Индивидуал (шахсга йўналтирилган)	Гурӯҳга (коллективга) йўналтирилган

- **4.3. Бизнес-режа тузилмаси**
- 
- Бундан олдинги материаллар шундан далолат берадики, бизнес-режа бу оддий бир ҳужжат эмас. У корхонанинг конституцион асосини ташкил этиб, унинг ишлаб чиқариш фаолиятини, келгусидаги ривожланиш стратегиясини белгилаб беради. Корхона стратегияси эса, маълумки, турли хил бўлади: кимдир маҳсулдор, яъни ишлаб чиқариш стратегиясини афзал кўрса, бошқаларга молиявий стратегия кўпроқ тўғри келади. Бозорга янги маҳсулдор ғоя билан киришга ҳаракат қилаётган янги корхона ва фирмалар одатда молиявий стратегияга катта эътибор қаратадилар. Бозорда маълум маънода барқарор ўринга эга бўлган бошқа корхоналар эса асосий эътиборни ишлаб чиқариш стратегиясига қаратадилар.
- Ҳамма корхоналар бир хил эмаслиги сабабли уларнинг ҳар бири учун бизнес-режани ишлаб чиқиш бўйича деталли тавсия беришнинг имкони йўқ. Шундай бўлсада, замонавий иқтисодиёт фанида бизнес-режанинг тахминий тузилмаси ишлаб чиқилган бўлиб, қуйида унинг айrim варианtlари келтирилган (4.2-жадвал).

# Бизнес-режанинг тахминий тузилмаси

I вариант	II вариант	III вариант	IV вариант	V вариант
1. Бўлажак бизнесни қисқача таърифлаш.	1. Бизнес-режага кириш.	• Танланган бизнес концепцияси.	• Кириш.	• Фирма имкониятлари (резюме).
2. Бозор.	2. Бизнесни идентификация-лаш.	• Айни пайтдаги вазият.	• Корхонани таърифлаш.	• Товар (хизмат) турлари.
3. Ходимлар малакаси ва тажрибаси, мавжуд молиявий воситалар.	3. Мақсад.	• Яратилаётган корхона тавсифномаси.	• Маркетинг режаси.	• Товар (хизмат) сотув бозори.
4. Таклиф қилинаётган маҳсулотнинг устунликлари.	4. Бизнесни таърифлаш.	• Бозор.	• Ишлаб чиқариш режаси.	• Сотув бозорида рақобат.
5. Бўлажак бизнесни ташкил қилиш.	5. Бозор.	• Рақобат.	• Ташкилий режа ва менежмент.	• Маркетинг режаси.
6. Келажакка назар.	6. Ракобат.	7. Менежмент.	• Маркетинг ҳаракатлари	• Ишлаб чиқариш режаси.
7. Молиявий вазифалар.	8. Ходимлар.	9. Жойлашув.	• Молиявий режаси.	• Лойиха самарадорлиги.
8. Пул маблағларидан фойдаланиш.	10. Молиявий маълумотлар.	10. Молиявий маълумотлар.	• Ишлаб чиқариш режаси.	• Ташкилий режа.
9. Илова.	11. Ҳисобот .	11. Ҳисобот .	• Таваккалчи ликни баҳолаш.	• Фирма фаолиятининг ҳукукий таъминоти.
10. Бизнес тарихи.	12. Қисқача мазмун (резюме).	12. Қисқача мазмун (резюме).	• Молиявий режа.	• Таваккалчиликни баҳолаш ва сугурталаш.
				• Молиявий режа.
				• Молиялаштириш стратегияси.

- Бизнес-режанинг ҳар бир бўлими ўз мазмунига, кўрсаткичлар тизими ва уларни ҳисоб-китоб қилиш усулларига эга бўлади. Бироқ, бу бизнес-режанинг яхлит ва тўлиқлигига птур етказмайди. Барча бўлимлар ўзаро боғлиқ бўлиши ҳамда корхонанинг потенциал ишлаб чиқариш имкониятларини амалга оширишга хизмат қилиши лозим. Бизнес-режанинг бўлимларини мазкур қўлланманинг мос келувчи бобларида алоҳида кўриб чиқамиз. Бозор муносабатлари шароитларида бизнес-режа қонун мақомига эга бўлмаслиги ҳамда бозордаги вазиятга боғлиқ бўлган ҳолда турли ўзгаришларга учраши, истеъмолчиларнинг ҳали қондирилмаган эҳтиёжларига мослаштирилиши лозим. Бироқ бундай тарзда қайта кўриб чиқиш ҳар бир ҳолатда жиддий равишда етарлича асослаб берилиши зарур.

**E'TIBORLARINGIZ UCHUN  
RAHMAT!**